

福安縣志卷之二十五

流寓

天地一遺廬耳寓形宇內何有定居乃古昔賢豪蹤迹所至彼都人工爭欲私而有之誠重乎其人也安邑僻處閩嶠非若通都大邑冠蓋縱橫而考亭之竄避僑居文山之間關播越瑣尾流離之會仰丰采者若覩星雲卽米海嶽王梅溪鄭夾漈諸人笠屐所經有餘慕焉數百年後猶得舉以示人曰此某大儒之所過化也某名賢之所戾止也流風餘韻其猶有存者矣志流寓

福安縣志

卷二十五

流寓

宋

米芾字元章工書法嘗至福安二十都城山積善巖題石

朱松字喬年號韋齋婺源人宦於閩生子熹因自婺源徙建陽家焉熹紹興開松攜之福安寓龜齡寺今有祠

朱熹字元晦紹興十八年進士慶元閒以禁偽學避家於閩至長溪主黃幹楊楫家皆有遺墨從學者甚眾而黃幹楊復林湜楊楫高松陳駿鄭師孟龔郊張泳其最著者也復寓武曲朱家題文章華國詩禮傳家八大字於其家又題農家一聯水雲深處神仙府禾黍豐時富貴家

王十朋字龜齡號梅溪樂清人知泉州朱子稱其青天白日
嘗道出長溪寓福安雙巖寺有詩見古蹟

師古字聖謨蜀人嘉熙四年元破蜀古與蜀士共避之聚福
安村落開孟珙創書院以處之州人林維屏王宗望輩聞其
名迎於公安講學金臺寺及沒卽寺立祠諱曰必眞學者稱
為義豐先生

鄭樵字漁仲莆田人編修授學長溪提舉楊興宗從之游人
稱夾漈先生邑九都靈峯寺前巖中一穴形如斧鑿泉清且
冽名蒙井夾漈留題有詩

福安縣志 卷二十五 流寓

陳傳良字君舉號止齋瑞安人先世自長溪擢秀里徙居瑞
安固義里凡七世而良生寓福安周大山有紀詠鐫石林湜
楊興宗與之友

文天祥宋丞相嘗寓福安有集杜詩

明

顧錫疇字九疇崑山人萬曆己未進士歷官禮部尙書南都
失守錫疇聞關來閩唐王授以故官辭不拜嘗寓福安秦溪
題連邦琪讀書處曰鶯谷草堂

張光球字樺青崇禎舉人知縣蔚然子少從父官福安署後

有樟樹土神號靈異母夫人過樹下暴卒光球大號哭褫神衣冠而數之人皆為懼光球扶櫬歷險度仙霞嶺歸竟無事見施愚山文集詳雜記

呂天貺字元寵甌甯人善楷書得黃庭經遺法與友人劉中藻協守福安 大兵至城陷與中藻同日死之

福安縣志卷之二十五終

福安縣志

卷二十五

流寓

三